






SON AL LAPOUZIG

ANDANTINO



RALLENT.



la !

Disul ar beure, pa zavis
Mouez eul lapousig a glevis.

Ha ma lare an evnig kêz,
Ken dous ha ken koant, dre he yez :

« Bugale vat a Vreiz-Izel,

« War hon meiziou e ret eur zell;

« Klevet a ret, abredik mad,

« Kan hon re vihan er brouskoad :

« O mouezig a zav drant en êr

« Evit azeuli hon C'hrouer;

« Er c'hood, er mene, en draouien,

« Dre-oll 'klever o c'hanaouen.

« Kaer eo ar bleun el liorzou,

« Mes koant eo ive hon mouezig.

« Ar bleuniou 'ro o c'houez melus,

« Ha ni hon soniou dudius.

« A boan e ve d'an de skleria,

« Pa ganomp : Ave ! Gloria !

« Ni a rent enor d'ar Werc'hez

« Hag a veul Doue en hon yez;

« Ni a ra levez d'an dud :

« Glac'har 'defe ma chomfent mud.

« Pebez joausted er parkou

« Pa lavaromp hon c'chantikou !

« Klevet a ret, abredik mad,
« Kan hon re vihan er brouskoad :

« O mouezig a zav drant en êr

« Evit azeuli hon C'hrouer;

« Er c'hood, er mene, en draouien,

« Dre-oll 'klever o c'hanaouen.

« Kaer eo ar bleun el liorzou,

« Mes koant eo ive hon moueziou.

« Ar bleuniou 'ro o c'houez melus,

« Ha ni hon soniou dudius.

« A boan e ve d'an de skleria,

« Pa ganomp : Ave ! Gloria !

« Ni a rent enor d'ar Werc'hez

« Hag a veul Doue en hon yez;

« Ni a ra levenez d'an dud :

« Glac'hар 'defe ma chomfent mud.

« Pebez joausted er parkou

« Pa lavaromp hon c'chantikou !

« Doue a ro d'an evned paour

« Eun neiz ha frankiz, e lec'h aour...

« Ha pep evn bihan 'n em zikour

« Da glask e voud, e lommig dour.

« Meur a vugel 'zo evezus

« Ouz hon gwelet ken evurus.

« Bugale Breiz, en hanv Doue,

« Lezet ganimp-ni hon buhe !

« Ha bezet kentoc'h hon skoazel

« Eget ober d'imp oll brezel.

« A-walc'h a zo a vuntrerien,

« Siouaz, e-touez ar Gristenien.

« Na vêt ket gwasoc'h 'vit teuzed :

« I 'sponte ...'met na lazent ket.

« O nan ! n'ouzoc'h ket ar glac'hар

« 'Neus an evnig pa goll e bar;

« N'ouzoc'h ket an dristidigez

« Hon eus pa lazer hon mamm gêz !

« M'arrufe ganec'h eun den yud,

« Hag ho laerfe digant ho tud ?

« Nag a rann-galon, a zaerou,

« Nag a enkrez, bugaligou !

« Piou a gano 'n neve-amzer,

« Ar bleuniou koant an heol seder ?

« Piou a frealdo an den klanv

« War e wele, a-hed an hanv ?

« Lezet ar bleun el liorzou,

« Lezet an evned 'n o neiziou ;

« Lezet bevan en peuc'h pep tra,

« Pa n'hellet renta bew nep tra.

« O bugale bag evned Breiz,

« Ra vo karante en hon c'hreiz !

« Ra ganfomp holl, bemde laouen,

« Da Vestr ar bed hon c'hanaouen ! »

Mouez al lapousig a davas....

Ha me 'chome da zelaou c'hoaz !

An evnig paour, en eur nijal,

'Oa aet da ganan 'n eur c'hood-all....